

**Na hAchtanna um Pleanáil agus Forbairt 2000 go 2018**  
**Fógra ar Iarratas Pleanála Díreach chuig an mBord Pleanála**  
**maidir le Forbairt Bonneagair Straitéisigh i gContae na Gaillimhe**

I gcomhréir le hAlt 37E den Acht um Pleanáil agus Forbairt 2000, arna chur isteach ag an Acht um Pleanáil agus Forbairt (Bonneagar Straitéiseach) 2006, arna leasú, tugann Ardderroo Windfarm Ltd. fógra go bhfuil sé i gceist aige iarratas a dhéanamh leis an mBord Pleanála maidir leis an bhforbairt bheartaithe seo a leanas sna bailte fearainn seo a leanas i gCo. na Gaillimhe - Na hArd-doiriú, Leitir agus Fionnán. Tá an suíomh suite i gCeantar Gaeltachta.

Cuirfidh an fhorbairt atá beartaithe iad seo a leanas ar fáil:

- i. Suas le 25 thuirbín gaoithe a bhfuil airde foriomlán suas le 178.5m ar a mhéad ag gob an liáin
- ii. 1 Chrann Meitéareolaíoch buan a bheidh 112 méadar ar airde ar a mhéad.
- iii. 1 fho-stáisiún leictreach 110kV le 2 fhoirgneamh rialaithe ina mbeidh áiseanna leasa, 6 choimeádán cadhnraí, gach gléasra agus trealamh leictreach bainteach, gach cáblú bainteach faoi thalamh, umar coimeádta fuíolluisce agus gach obair foghabhálach.
- iv. Cablú faoi thalamh ag ceangal na dtuirbíní leis an bhfo-stáisiún beartaithe agus ceangal ón bhfo-stáisiún beartaithe leis an ngréille náisiúnta i bhfo-stáisiún Eirgrid atá ann cheana i mbaile fearainn Leitreach
- v. Na cosáin agus na bóithre atá ann a uasghrádú agus bóithre rochtana nua agus áit pháirceála d'fheithiclí troma a sholáthar;
- vi. 3 pholl carta
- vii. 2 chlóis tógála sealadaí
- viii. Oibreacha áineasa agus conláiste, lena n-áirítear cosáin mharcáilte, carrchlós buan conláiste a dhéanamh de cheann de na clóis tógála shealadacha, leithreas/foirgneamh foscaidh agus an t-umar coimeádta fuíolluisce a théann leis a sholáthar, agus an chomharthaíocht bhainteach áineasa agus conláiste
- ix. Draenáil don suíomh
- x. Leagan Foraoiseachta
- xi. Comharthaíocht Bhuan
- xii. Gach obair forbartha eile a bhaineann leis an suíomh.

Tá an t-iarratas seo ag lorg cead pleanála deich mbliana agus saolré oibríochta 30 bliain ó dháta coimisiúnaithe na feirme gaoithe ina iomláine Ullmhaíodh Tuarascáil Measúnaithe Tionchair Timpeallachta (EIAR) agus Ráiteas Tionchair Natura (NIS) i ndáil leis an bhforbairt atá beartaithe.

Is féidir an t-iarratas pleanála, EIAR agus an NIS a scrúdú saor in aisce nó iad a cheannach ar tháille sainithe a íoc (nach mbeidh níos daoire ná an costas réasúnach a bhaineann le cóip den chineál sin a dhéanamh) le linn na n-uaireanta oscailte ar feadh tréimhse seacht seachtaine ag tosú ar an 30 Samhain 2018 sna háiteanna seo a leanas:

- Oifigí an Bhoird Pleanála, 64 Sráid Mhaoilbhríde, Baile Átha Cliath 1.
- Oifigí Chomhairle Chontae na Gaillimhe, Áras an Chontae, Cnoc na Radharc, Gaillimh.

Is féidir féachaint ar an iarratas nó é a íoslódáil ón láithreán gréasán seo a leanas: [www.ardderroowindfarm.com](http://www.ardderroowindfarm.com).

Ní féidir Aighneachtaí ná Breithniúcháin a dhéanamh ach leis an mBord Pleanála ("an Bord") 64 Sráid Mhaoilbhríde, Baile Átha Cliath 1 le linn na tréimhse seacht seachtainí a luaitear thuas i leith:

- I. Na tionchair a bheidh ag an bhforbairt bheartaithe ar phleanáil chuí agus ar fhorbairt inmharthana, agus
- II. Na héifeachtaí is dócha a bheidh ag an bhforbairt bheartaithe ar an timpeallacht;
- III. na héifeachtaí móra is dócha a bheidh ag an bhforbairt bheartaithe ar láithreán Eorpach, má théitear ina bun.

Ní mór don táille €50 a bheith le gach aighneacht/breithniúchán (seachas i gcás roinnt comhlachtaí forordaithe) agus ní mór dóibh a bheith faighte ag an mBord tráth nach déanaí ná 5.30 p.m. an 28 Eanáir 2019. Ní mór don fhaisnéis seo a leanas a bheith sna haighneachtaí/breithniúcháin:

- Ainm an té atá ag déanamh na haighneachta nó an bhreithniúcháin, ainm an té atá ag gníomhú thar a cheann nó a ceann, más ann, agus an seoladh ar chóir aon chomhfhreagras a bhaineann leis an iarratas a sheoladh,
- Ábhar na haighneachta nó an bhreithniúcháin, agus
- Na cúiseanna, breithnithe agus argóintí ar a bhfuil an aighneacht nó an breithniúchán bunaithe ina iomláine. (Féach ar Airteagal 217 de na Rialacháin um Pleanáil agus Forbairt 2001, arna leasú)

Ní féidir leis an mBord aon aighneacht ná breithniúchán nach gcomhlíonann na ceanglais thuas a mheas.

Is féidir leis an mBord, dá rogha féin, éisteacht ó bhéal a thionóil ar an iarratas (déan tagairt do 'Treoir maidir le Rannpháirtíocht an Phobail i bhForbairt Bonneagair Straitéisigh' ar [www.pleanala.ie](http://www.pleanala.ie))

Is féidir leis an mBord i ndáil le hiarratas ar chead/faomhadh -


- (a) (i) an cead/faomhadh a thabhairt, nó
- (ii) leasuithe den chineál sin a dhéanamh ar an bhforbairt bheartaithe mar a shonraíonn sé ina chinneadh agus cead/faomhadh a thabhairt i ndáil leis an bhforbairt bheartaithe arna leasú, nó
- (iii) cead/faomhadh a thabhairt i ndáil le cuid den fhorbairt bheartaithe (ina mbeidh leasuithe shonraithe den sórt sin ag dul leis nó gan a bheith ag dul leis),

agus is féidir le haon cheann de na cinní sin a bheith faoi réir coinníollacha nó gan a bheith faoi réir coinníollacha, nó

- (b) Diúltú cead a thabhairt i leith an cheada/an fhaofa

Ba chóir aon cheisteanna a bhaineann leis an bpróiseas iarratais a chur ar aghaidh chuig Rannóg um Fhorbairt Bonneagair Straitéisigh an Bhoird Pleanála (Teil: 01-8588100).

- Féadfaidh duine bailíocht aon chinneadh dá leithéid ón mBord Pleanála a cheistiú ar mhodh iarratas ar athbhreithniú breithiúnach faoi ordú 84 de Rialacha na nUaschúrteanna, (I.R. 15 de 1986, arna leasú ag I.R. Uimh. 691 de 2011) agus de réir alt 50 den Acht um Pleanáil agus Forbairt, 2000 arna leasú.
- Is féidir teacht ar fhaisnéis phraiticiúil ar an meicníocht athbhreithnithe faoin teideal Foilseacháin - Fógra um Athbhreithniú Breithiúnach ar láithreán gréasáin an Bhoird, [www.pleanala.ie](http://www.pleanala.ie) nó ar láithreán gréasáin na Seirbhíse um Fhaisnéis do Shaoránaigh [www.citizensinformation.ie](http://www.citizensinformation.ie).

Sínithe: 	J. Green, McCarthy Keville O'Sullivan Ltd. Bloc 1, Ionad Seirbhísí Airgeadais na Gaillimhe, Bóthar Mhóinín na gCiseach, Gaillimh -(Gníomhaire thar ceann Ardderroo Windfarm Ltd.)
Dáta ar Cuireadh an Fógra Suímh in Airde	An 23 Samhain 2018